

Avangarda BiH e.V.  
Udruženje mladih iz BiH u Minhenu  
[www.avangardabih.de](http://www.avangardabih.de)  
[cardaklija@avangardabih.de](mailto:cardaklija@avangardabih.de)  
Poštansko sanduče 10 01 14  
80075 Minhen



Minhen, 01.07.2007 godine

### **Obavještenje o obilježavanju godišnjice genocida u Srebrenici širom Njemačke**

Povodom 12. godišnjice genocida u Srebrenici Avangarda BiH e.V. je u saradnji sa medijskom kompanijom Infoscreen realizovala projekat kojim će se javnost podsjetiti na ovaj najveći genocid u Evropi nakon Drugog svjetskog rata.

U okviru ovogodišnjeg projekta u trajanju od tri dana, to jeste 10., 11. i 12. jula 2007 godine, svakim danom od 6.30 do 24.00 sata periodično će biti projicirane dvije animacije na sveukupno 230 monitora Infoscreen-a u 19 njemačkih gradova. Na spotovima će posebno biti istaknuta internet stranica [www.dontforget-srebrenica.de](http://www.dontforget-srebrenica.de), koja sadrži pregled i historijat ovog genocida na njemačkom jeziku.

Dvije zasebne animacije će podsjetiti gledaoce na genocid u Srebrenici, te posebno na činjenicu da ratni zločinci Radovan Karadžić i Ratko Mladić još uvijek nisu lišeni slobode.

Ovim putem Avangarda BiH e.V. najoštrije osuđuje genocid nad građanima Bosne i Hercegovine zbog njihove vjerske pripadnosti, koji je počinjen od strane srpskih vojnih snaga. Ovaj zločin je nadmašio sva druga zbivanja u Evropi u novije vrijeme. Ogorčeni smo što nakon hapšenja ratnog zločinca Slobodana Miloševića, Radovan Karadžić kao i Ratko Mladić još nisu uhapšeni i što politika čitavog svijeta ne pokazuje iskrenu volju da obavi svoju dužnost. Ovogodišnju odluku Haškog suda u procesu Bosne i Hercegovine protiv Srbije i Crne Gore ne želimo komentarisati, smatrajući je djelimično kontradiktornom i donesenom bez korištenja svih dokaznih materijala po ovom pitanju.

Smatramo da se svi građani Bosne i Hercegovine, kao i cijela Evropa moraju suočiti sa ovim zločinom i da «Srebrenica» mora postati simbol, koji poziva na borbu protiv nacionalizma i fašizma, koji je ponovo došao do izražaja u agresiji na Republiku Bosnu i Hercegovinu 1992-1995. godine.

Naš primarni cilj jeste da podsjetimo na žrtve i posljedice ovog zločina. Dugotrajni cilj svima nama mora biti da ne dozvolimo zaborav u namjeri da se nasilje i zlo u Bosni i Hercegovini, na Balkanu niti bilo gdje drugo, nikome ne ponovi.

S poštovanjem  
Mirza Čardaklija  
potpredsjednik  
Avangarda BiH e.V.